

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810
 selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810
 dzenita@sogfbih.ba

Sadržaj biltena:

Održana sjednica Komisije za ekonomski razvoj	1
Održan niz radionica o EU na lokalnom nivou	1
Na 34. sjednici Vlade FBiH utvrđen prijedlog zakona o koncesijama	2
Vlada FBiH dala saglasnost na kreditno zaduženje Općine Čelić	3
Vlada FBiH usvojila Strategiju upravljanja poljoprivrednim zemljištem	3
Javna rasprava o Nacrtu zakona o stvarnim pravima	3
Održane javne rasprave o Nacrtu zakona o korištenju obnovljivih izvora energije	4
U Mostaru održan sastanak o projektu "Vodoopskrbe i odvodnje otpadnih voda u FBiH"	4
Održana radionica ne temu međuopćinska saradnja	5
Jačanje turističke ponude 11 općina iz BiH i CG	5
Zavidovići imaju recept za dobar turizam	6
Općina Vareš proglasila stanje prirodne nepogode	7
Počela izrada vinogradarskog katastra Čitluka	7
Započeo proces izrade LEAP-a za Općinu Orašje	7
Isporučen kamion za reciklažno dvorište	8
Fond za zaštitu okoliša FBiH odobrio 100.000 KM Općini Žepče	8
Tuzla kreće u projekat LED semaforne signalizacije	8
U Prači počela gradnja azila za životinje	9

Bilten Saveza općina i gradova Federacije Bosne i Hercegovine

ODRŽANA 11. SJEDNICA KOMISIJE ZA EKONOMSKI RAZVOJ OPĆINA I GRADOVA I FINANSIJE/FINANCIJE

SARAJEVO, 02. februar/veljača –

Jučer je u Sarajevu, u prostorijama Općinskog vijeća Općine Centar održana 11. sjednica Komisije za ekonomski razvoj općina i gradova i finansije/finansije Saveza općina i gradova FBiH. S obzirom na tematiku kojom se bavila sjednica, za učešće su pozvani i pomoćnici načelnika za finansije iz svih općina u Federaciji BiH.

Na sjednici je razmatrana informacija sa održane Prve sjednice Radne grupe za analizu i pripremu rješenja u oblasti pripadnosti javnih prihoda u FBiH i izadu prijedloga za izradu novog Zakona o pripadnosti javnih prihoda u FBiH.

U okviru ove tačke prikupljene su primjedbe općina na Zakon o pripadnosti javnih prihoda (Čapljina, Grude, Kakanj, Orašje, Posušje, Široki Brijeg, Tešanj) koje su prezentirane Komisiji, kao i simulacije efekata istih na raspodjelu javnih prihoda od indirektnih poreza. Predloženo je i rješenje za Grad Sarajevo i općine iz Kantona Sarajevo koje je pripremio Savez općina i gradova FBiH. Uz ovu tačku su razmatrani i efekat stand-by aranžmana na umanjenje prihoda sa jedinstvenog računa za jedinice lokalne samouprave u FBiH koje je pripremio Savez općina i gradova FBiH.

Na sjednici su razmatrane i primjedbe koje su stigle iz općina na Nacrt Zakona o stvarnim pravima, te Nacrt Zakona o korištenju obnovljivih izvora energije i efikasne kogeneracije, Nacrt Zakona o turističkim zajednicama i promicanju turizma u FBiH i preporuka Institucije ombudsmena za ljudska prava BiH u vezi sa promoviranjem međuopćinske saradnje u oblasti inspeksijskog nadzora.

Zaključci sa Komisije biće razmatrani na 18. sjednici Predsjedništva Saveza čije održavanje je odgođeno za mart/ožujak.



ODRŽANO NIZ RADIONICA O EU NA LOKALNOM NIVOU

Savez općina i gradova Federacije Bosne i Hercegovine u saradnji sa Direkcijom za evropske integracije Vijeća ministara Bosne i Hercegovine organizovao je četiri regionalne radionice u Federaciji Bosne i Hercegovine, i to u:

Općini Ilidža, 05.12.2011. godine,
 Općini Tuzla, 21.12.2011. godine,
 Općini Bosanski Petrovac, 25.01.2012. godine, i
 Općini Tomislavgrad, 01.02.2012. godine.

Radice su održane u Regionalnim trening centrima u navedenim općinama, koji su otvoreni kroz Projekat MTS (UNDP) koji je implementiran u saradnji sa Savezom općina i gradova Federacije Bosne i Hercegovine. Na radionicama je učesvovao 51 predstavnik općina i gradova iz Federacije Bosne i Hercegovina. Svrha radionica je bila približavanje procesa pridruživanja jedinicama lokalne samouprave i prezentacija e-learning kurseva iz oblasti evropskih integracija.

Gđa Dženana Živalj, Šef grupe za obrazovanje pri DEI-ju je prisutnim predstavnicima općina prezentirala e-learning kurseve iz oblasti evropskih integracija. Pored prezentacije, prisutni učesnici su imali mogućnost da zajednički prođu određene on-line kurseve i testove dostupne na web stranici Direkcije za evropske integracije (www.dei.gov.ba).



Sa radionice održane u Bosanskom Petrovcu

Sarajevo otvara ured za energetska efikasnost	9
Potpisan ugovor za izgradnju glavne gradske magistrale	10
Banovići krenuli u investiciju vrijednu 25 mil. KM	10
B. Petrovac očekuje investiciju od 50. mil. KM	11
Posjeta delegacije K.Švedske regionalnom lokalitetu za obuku u Općini Ilidža	11
Intervju s Š. Fuadom, načelnikom Općine Tešanj	12
Studijska posjeta Briselu na temu upravljanje otpadom	14
Studijska posjeta Briseli "O EU regionalnim politikama"	14
6. Svjetski forum voda	15

Sve općina u Bosni i Hercegovini imaju mogućnost pristupa ovom vidu edukacije ukoliko pošalju pismeni zahtjev Direkciji za evropske integracije, na osnovu kojeg će im biti dodijeljeno korisničko ime i šifra.

Gđa Jesenka Hajdžajlija, Šef odsjeka za promociju pri DEI-ju prisutnima je prezentirala informacije o Direkciji za evropske integracije, planu i programu rada kao i rezultatima istraživanja javnog mnijenja sprovedenih u Bosni i Hercegovini po pitanju evropskih integracija. Također, gđa Hajdžajlija je prezentirala i niz publikacija i promotivnih materijala koje

Direkcija za evropske integracije proizvodi u svrhu promocije i edukacije svih građana o Evropskoj uniji i evropskim integracijama, te pozvala jedinice lokalne samouprave na saradnju.



Ilidža



Sa radionice održane u Tuzli



Tomislavgrad

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.chib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmed.eu
www.facso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

*Ciljevi Zakona o koncesijama
FBiH jesu jačanje
gospodarskog razvoja
Federacije, stvaranje
učinkovitog pravnog okvira
za promoviranje i
olakšavanje provedbe i
razvitak koncesijskih
projekata, te unaprjeđenje
transparentnosti procesa
dodjeljivanja koncesija*



34. SJEDNICA VLADE FBiH: UTVRĐEN PRIJEDLOG ZAKONA O KONCESIJAMA

SARAJEVO, 25. januar/siječanj – Ciljevi Zakona o koncesijama FBiH, čiji je Prijedlog utvrđen na jučerašnjoj sjednici Vlade FBiH u Sarajevu, jesu jačanje gospodarskog razvoja Federacije, stvaranje učinkovitog pravnog okvira za promoviranje i olakšavanje provedbe i razvitak koncesijskih projekata, te unaprjeđenje transparentnosti procesa dodjeljivanja koncesija, navodi se na web stranici Vlade FBiH. Koncesije mogu biti davane za gospodarsko korištenje prirodnog bogatstva, dobra u općoj uporabi ili drugog dobra, za javne radove i za javne usluge.



Zakon se odnosi na dodjelu koncesija za obavljanje gospodarskih djelatnosti i usluga, te izvođenje radova u oblastima javnih cesta, luka, zračnih luka, željeznica, korištenja voda i javnog vodnog dobra, komunalne djelatnosti, održavanja zaštitnih vodnih objekata ili riječnih korita, hidroakumulacija, pitkih, ljekovitih, termalnih, termomineralnih i mineralnih voda, hidromelioracijskih sustava, energetskih objekata, mineralnih sirovina, podzemnih voda i geotermalne energije, građevinskog zemljišta, lovišta, ribolovnih voda, cjevovoda i terminala za skladištenje i transport tekućina i plinova, poljoprivrednog zemljišta, kulturnih dobara, djelatnosti upravljanja otpadom, neškodljivog uklanjanja organskog otpada, skijaških centara i žičara, riječnog prijevoza, sporta i turizma.

Koncesija se može dati i za druge oblasti i djelatnosti.

Prijedlogom zakona o koncesijama FBiH propisana je inicijativa javnog i privatnog sektora, tako da identifikaciju potencijalnih koncesijskih projekata obavljaju nadležna tijela javnog sektora, ali i fizičke i pravne osobe putem samoinicijativne ponude. Ovim rješenjem su u potpunosti ispoštovani zahtjevi iz javnih rasprava održanih o ovom zakonskom projektu.

Uvedeno je novo rješenje, tako što je postupak dodjele koncesija reguliran Zakonom, a ne posebnim pravilima, kao što je to u važećem zakonu. Kao način dodjele koncesija uveden je predkvalifikacijski postupak i samoinicijativna ponuda, a u cilju poboljšanja koncesijskog projekta i boljeg načina odabira najboljeg ponuđača.

Koncesienti (vlade FBiH i kantona, te općinska vijeća) svojim odlukama započinju proces izbora (odluka o davanju suglasnosti za pristupanje postupku dodjele koncesije) i konačni odabir najboljeg ponuđača (odluka o dodjeli koncesije).

Propisano je da u radu povjerenstava učestvuju dva privremena predstavnika ugovornog organa iz redova uposlenih u procesu postupka dodjele koncesije. Federalno Povjerenstvo za koncesije predstavlja samostalno i nezavisno tijelo Federacije, a njegove članove, na prijedlog Vlade, imenuje Parlament FBiH. Povjerenstvo ima sedam članova iz reda istaknutih stručnjaka inženjerske, pravne i ekonomske struke.

Bitna funkcija data je i općinskim načelnicima, odnosno stručnim osobama općina da obavljaju funkciju privremenog člana Povjerenstva kad je koncesioni projekat lociran na teritoriji općine.

Savez / Zajedno za uređenu i razvijenu lokalnu samoupravu

VLADA FBiH DALA SAGLASNOST NA KREDITNO ZADUŽENJE ZA IZGRADNJU KANALIZACIJE I VODOSNABDIJEVANJE OPĆINE ČELIĆ

SARAJEVO, 25. januar/siječanj – Vlada Federacije BiH donijela je jučer u Sarajevu Odluku kojom je prihvatila zaduženje FBiH po Sporazumu o kreditu između BiH i UniCredit Bank Austria AG, u iznosu od 3.111.802,57 eura za realizaciju Projekta izgradnje kanalizacije i vodosnabdijevanja općine Čelić, saopćeno je iz Ureda za odnose s javnošću Vlade FBiH. Cilj projekta je izgradnja kanalizacijskih sistema i postrojenja za tretman otpadnih voda, kao i osiguranje i eksploatacija pitke vode u količini koja će trajno i na zadovoljavajući način riješiti potrebe cjelokupnog stanovništva na području općine Čelić. Od ukupnih sredstava kredita otplaćuje se 85 posto, odnosno iznos od 2.645.032,18 eura, dok 15 posto, odnosno 466.770,39 eura predstavlja grant sredstva. Rok otplate je 11,5 godina, s jednogodišnjim grace periodom. Kreditna sredstva FBiH prenosi na kreditnoj osnovi na dužnike, a to su Tuzlanski kanton (TK) i Općina Čelić.

VLADA FBiH USVOJILA STRATEGIJU UPRAVLJANJA POLJOPRIVREDNIM ZEMLJIŠTEM U FBiH

SARAJEVO, 25. januar/siječanj – Vlada Federacije BiH jučer je u Sarajevu razmatrala i usvojila Strategiju upravljanja poljoprivrednim zemljištem na području FBiH, kao i Akcioni plan za njeno sprovođenje.

Strategija obuhvata mjere, aktivnosti i vrijeme izvršenja i institucije za njeno provođenje, saopćeno je iz Ureda za odnose s javnošću Vlade FBiH.

Dokument je, na osnovu rezultata javnog konkursa, radio Agronomski i prehrambeno-tehnološki fakultet Univerziteta u Mostaru.

U njemu se, s ciljem namjenskog korištenja poljoprivrednog zemljišta, naglašava značaj saradnje regionalnih organa uprave s jedinicama lokalne samouprave i preporučuje namjensko i racionalno korištenje ovog resursa, njegova zaštita, razminiranje, te usklađivanje katastarskih podataka sa zemljišnim knjigama i stanjem na terenu, okrupnjavanje poljoprivrednog zemljišta i uspostava i razvijanje tržišta ovim zemljištem.

Upravljanje zemljištem se zasniva na zakonskoj regulativi uz analizu Evropske strategije zaštite tla s posebnim osvrtom na odnos poljoprivrede sa Okvirnom direktivom o vodama.

Strategija, također, obuhvaća pregled površina poljoprivrednog zemljišta na području FBiH uz smjernice za njegovo višenamjensko korištenje u budućnosti.

Na područje FBiH otpada 35 posto ukupne površine poljoprivrednog obradivog zemljišta i 58 posto pašnjaka u Bosni i Hercegovini.

Od 1999. do 2009. godine uočen je trend opadanja površina pod oranicama i livadama uz povećanje površina zemljišta pod vinogradima i pašnjacima, što se tumači odustajanjem dijela stanovništva od bavljenja poljoprivredom i prelaskom u više akumulativne grane privredivanja, navodi se u saopćenju.

JAVNA RASPRAVA O NACRTU ZAKONA O STVARNIM PRAVIMA

U Parlamentu Federacije Bosne i Hercegovine je dana 30.01.2012. godine održana Javna rasprava o nacrtu Zakona o stvarnim pravima. Uvodničari na raspravi su bili profesorica Meliha Povlakić, profesor Enes Hašić i profesor Enes Bikić, dok je ispred Federalnog ministarstva pravde raspravi prisustvovao Hidajet Halilović, pomoćnik ministra za pravosuđe. Na raspravi su razmotrene primjedbe i prijedlozi Općine Stari Grad Sarajevo, Općine Tešanj i Općine Tuzla čiji su predstavnici prisustvovali raspravi.

Grad Sarajevo je svoje primjedbe ranije uputio Federalnom ministarstvu pravde dok su predstavnici Saveza općina i gradova Federacije Bosne i Hercegovine iznijeli primjedbe Općine Olovo na pomenuti nacrt zakona, a koje su također razmotrene.

Predstavnici Saveza su gospodinu Haliloviću uručili primjedbe i prijedloge jedinica lokalne samouprave pristigle u Savez i to primjedbe Grada Sarajeva i općina Olovo, Tešanj i Stari Grad Sarajevo, te je dogovoreno da će Savez zvanični stav po ovom pitanju dostaviti Federalnom ministarstvu pravde nakon što ga formuliše Predsjedništvo Saveza na svojoj prvoj narednoj sjednici.



Čelić

*U Strategiji se naglašava
značaj saradnje
regionalnih organa uprave
s jedinicama lokalne
samouprave*





Sa javne rasprave održane u
Mostaru

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

*"Ponudeno rješenje,
između ostalog, stimuliše i
građane da praktično
počnu sami da generišu
energiju, bilo sa malim
vjetrenjačama ili solarnim
kolektorima. Time se
stvara ambijent koji
dozvoljava i pojedincima,
odnosno građanima, da se
uključe u prodaju
električne energije"*



Mostar

ODRŽANE JAVNE RASPRAVE O TEKSTU NACRTA ZAKONA O KORIŠTENJU OBNOVLJIVIH IZVORA ENERGIJE I EFIKASNE KOGENERACIJE

U skladu sa Zaključcima Predstavničkog doma Parlamenta Federacije Bosne i Hercegovine sa 8. sjednice održane 23. i 24. novembra/studenog 2011. godine i Doma naroda Parlamenta Federacije Bosne i Hercegovine sa nastavka 7. sjednice održane 20. decembra/prosinca 2011. godine, dana 29.12.2011. godine, zvanično je pokrenuta Javna rasprava o tekstu Nacrta zakona o korištenju obnovljivih izvora energije i efikasne kogeneracije.

S ciljem pribavljanja mišljenja, prijedloga i sugestija, tekst Nacrta zakona o korištenju obnovljivih izvora energije i efikasne kogeneracije, proslijeđen je na 45 adresa, a takođe se može preuzeti sa web stranice Federalnog ministarstva energije, rudarstva i industrije www.fmeri.gov.ba.

Javne rasprave o tekstu Nacrta zakona održane su krajem januara/siječnja u sljedećim mjestima: Tuzla (27.01.2012. godine), Sarajevu (30.01.2012. godine) i Mostaru (31.01.2012. godine).

SA JAVNE RASPRAVE ODRŽANE U SARAJEVU

SARAJEVO, 30. januar/siječanj – U prostorijama Privredne komore Federacije BiH u Sarajevu danas je održana javna rasprava o tekstu Nacrta zakona o korištenju obnovljivih izvora energije i efikasne kogeneracije, čiji je predlagatelj Federalno ministarstvo energije, rudarstva i industrije.

Šef Odsjeka za elektroenergetiku u Ministarstvu Tarik Begić kazao je da je cilj ovog zakona promovisanje proizvodnje električne i energije grijanja i hlađenja iz obnovljivih izvora energije (OIE) i efikasne kogeneracije (EK), kao i upotrebe OIE u transportu radi potrošnje na domaćem tržištu i povećanja udjela u ukupnoj potrošnji energije, te obezbjeđenje razvoja podsticajnih mjera, regulatornog okvira i tehničke infrastrukture za ovu vrstu energije.

Prema njegovim riječima, zakonom o korištenju obnovljivih izvora energije i efikasne kogeneracije uređuje se, između ostalog, promovisanje korištenja obnovljivih izvora energije, definisanje obavezujućih ciljeva udjela OIE u ukupnoj finalnoj potrošnji energije u FBiH, definisanje tehnologija za korištenje OIE i EK, istraživanje potencijala OIE, podsticajne mjere za proizvodnju električne i toplotne energije iz OIE i EK i podsticajne mjere za upotrebu OIE u transportu.

"Ovo je reformistički zakon koji treba da pruži odgovore na neuređena pitanja iz ove oblasti, te da u domaću zakonodavstvo implementira obaveze koje je BiH preuzela potpisivanjem međunarodnih ugovora, kao što su Okvirna konvencija o klimatskim promjenama Ujedinjenih nacija – UNFCCC, Kjoto protokol, Ugovor o osnivanju Energetske zajednice zemalja JIE", kazao je Begić.

Predsjednik odbora za energetiku FBiH Slaviša Šućur istakao je da su oba doma Parlamenta FBiH konstatovala da je ponuđeni tekst dobra osnova za donošenje zakona, "koji će istovremeno štititi interese građana BiH i stvarati povoljno okruženje za investitore i one koji se žele baviti proizvodnjom električne energije iz obnovljivih izvora."

"Ponudeno rješenje, između ostalog, stimuliše i građane da praktično počnu sami da generišu energiju, bilo sa malim vjetrenjačama ili solarnim kolektorima. Time se stvara ambijent koji dozvoljava i pojedincima, odnosno građanima, da se uključe u prodaju električne energije", kazao je Šućur.

Član Asocijacije malih proizvođača električne energije iz obnovljivih resursa (APEOR) BiH Emir Avdić kazao je da Asocijacija pozdravlja ovaj zakon koji će, prema njegovim riječima, uvesti red u ovu oblast, umjesto dosadašnjih uredbi.

Međutim, on je istakao da ponuđena rješenja treba dopuniti.

"Mi ćemo tražiti da se ispoštuju određene obaveze koje su preuzete prije ovog zakona", kazao je Avdić.

U današnjoj raspravi, osim predstavnika Federalnog ministarstva, učestvovali su predstavnici privrednika i stručnjaka u ovoj oblasti.

U MOSTARU ODRŽAN SASTANAK O PROJEKTU "VODOOPSKRBE I ODVODNJE OTPADNIH VODA U FBiH"

25. januar/siječanj – U okviru realizacije projekta "Vodoopskrbe i odvodnje otpadnih voda u FBiH" jučer je u Mostaru održan sastanak predstavnika Federalnog ministarstva poljoprivrede, vodoprivrede i šumarstva, Gradske Uprave Grada Mostara, Gradskog vijeća Grada Mostara, Jedinice za upravljanje Projektom (PMU), Evropske investicijske banke i tehničke pomoći, na kojem je prikazana detaljna prezentacija projekta vodoopskrbe i kanalizacije za Grad Mostar, navodi se na web stranici Ministarstva.

Savjetnik federalnog ministra poljoprivrede, vodoprivrede i šumarstva, Ivan Pandža, podržao je projekte predviđene za Grad Mostar i pozvao gradonačelnika i predstavnike gradske uprave na bližu suradnju sa Federalnim ministarstvom poljoprivrede, vodoprivrede i šumarstva sa ciljem što uspješnije implementacije predviđenog projekta.

Savez / Zajedno za uređenu i razvijenu lokalnu samoupravu

"Cilj Federalnog ministarstva poljoprivrede, vodoprivrede i šumarstva je da se u suradnji sa općinama u Federaciji Bosne i Hercegovine intenzivnije rješavaju problemi lokalnih zajednica u koje spadaju i projekti vodoopskrbe i odvodnje otpadnih voda u FBiH. Ovaj projekt za Grad Mostar predstavlja jedan od do sada najznačajnijih prijekata koji za primarno ima poboljšanje standarda i uvjeta življenja građana Grada Mostara", istaknuo je Ivan Pandža, savjetnik federalnog ministra poljoprivrede, vodoprivrede i šumarstva.

Grad Mostar je kroz realizaciju projekta vodoopskrbe i kanalizacije predvidio izgradnju vodovoda, kanalizacijske mreže i kolektora ukupne vrijednosti 16 milijuna eura čiji se završetak predviđa za 5 godina.

"Osvježavanjem kadra u Jedinici za upravljanje Projektom (PMU) na čelu sa gđom Sanjom Terzić, šeficom PMU-a učinjeni su značajni pomaci u realizaciji projekata i pružanju podrške općinama koje su uključene u ovakve i slične projekte. Od predstavnika Grada Mostara očekujemo da se konkretnijim aktivnostima predviđeni projekti završe u zacrtanim rokovima na zadovoljstvo svih građana Mostara" zaključio je Pandža.

Na koncu sastanka se razgovaralo o komentarima koje je uputila Europska investicijska banka po pitanju održivosti projekta i dostupnih izvora informacija, nakon čega je upriličen i obilazak terena gdje će se projekti Grada Mostara realizirati.

ODRŽANA RADIONICA NA TEMU MEĐUOPĆINSKA SARADNJA



SARAJEVO, 1. februar/veljača – GIZ SLS projekat 'Jačanje lokalne samouprave u BiH' organizovao je u Sarajevu, 01.02.2012. godine, jednodnevnu radionicu na temu međuopćinska saradnja. U radionici je učestvovalo 12 SLS partnerskih općina u BiH (Gornji Vakuf – Uskoplje, Ilijaš, Kostajnica, Kozarska Dubica, Maglaj, Modriča, Ljubuški, Orašje, Teslić, Vareš, Višegrad i Žepče), te predstavnici Saveza općina i gradova FBiH.

Ovom prilikom SLS tim GIZ-a obezbijedio je stručnjake iz SR Njemačke i R. Hrvatske koji su pripremili više prezentacija iz oblasti međuopćinske saradnje.

Tako je gđin. Mathias Ellger održao prezentaciju o osnovama za uspostavu međuopćinske saradnje i primjerima međuopćinske saradnje u Evropskoj uniji i jugoistočnoj Evropi.

Gđin Mladen Ivanović, izvršni direktor Saveza općina R. Hrvatske držao je prezentacije o pravnim temeljima i načelima međuopćinske saradnje u BiH i Hrvatskoj. Sve prezentacije moći



ćete naći na web stranici Saveza općina i gradova FBiH.

Nakon izvršenih prezentacija organizovana je radionica sa učesnicima SLS projekta.

Primarni cilj održavanja radionice je bio upoznavanje predstavnika SLS partnerskih općina sa tematikom, metodologijom i neophodnih alatima u oblasti međuopćinske saradnje. Pored toga, cilj radionice je sakupljanje prijedloga projekata čija realizacija će biti tehnički podržana od strane SLS projekta.

JAČANJE TURISTIČKE PONUDE 11 OPĆINA IZ BIH I CRNE GORE

U Privrednoj komori Kantona Sarajevo u okviru projekta "Razvoj turističkog itinerera u prekograničnoj oblasti između BiH i Crne Gore" uspostavljen je Centar za razvoj turističkog itinerera u prekograničnoj oblasti između BiH i Crne Gore (TP Centar).

Rad TP Centra je usmjeren ka unapređenju privrednog razvoja jedanaest općina iz BiH i Crne Gore. Naglasak je stavljen na turizam i ruralni sektor, povećanje razmjene turista i robe, jačanje saradnje između turističkog i poljoprivrednog sektora, te većem iskorištavanju lokalnih resursa i stvaranju većeg broja brendiranih nacionalnih proizvoda.

Spomenuti itinerer polazi iz Općine Stari Grad, zatim ide kroz Konjic, Jablanicu, Mostar, Čaplinju, Stolac i Trebinje u BiH, i nastavlja kroz Nikšić, Kotor, Herceg Novi i Tivat u Crnoj Gori. Kako bi privrednicima i ostalim zainteresiranim što bolje približili rad TP Centra, Komora redovno organizira prezentacije u općinama koje su obuhvaćene projektom.



cilj radionice je sakupljanje prijedloga projekata čija realizacija će biti tehnički podržana od strane SLS projekta






IPA Program prekogranične saradnje
Bosna i Hercegovina – Crna Gora

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

Općina Zavidovići do 2016.
godine planira postati
konkurentna i poduzetna
sredina sa prepoznatljivim
identitetom, ... mjesto
ugodnog i zdravog življenja.



Zavidovići, spomenik prirode
Tajan



Zavidovići, rijeka Krivaja

Osnovna djelatnost TP Centra je pružanje stručnih usluga i povezivanje partnera u turizmu i ruralnom razvoju, zatim razvoj baze podataka o turističko-ugostiteljskim i poljoprivredno-prehrambenim kompanijama, kreiranje i promoviranje turizma i brendiranih proizvoda, te organizovanje itinerera u prekograničnom području.

Također, u okviru aktivnosti Centra održavat će se i razvijati partnerski odnosi, sakupljati i distribuirati informacije o turističko-ugostiteljskom i agroindustrijskom sektoru. U toku je izrada web-stranice, mape itinerera, organiziranje seminara i praktičnih vježbi s ciljem unapređenja vještina polaznika, kao i izrada publikacija i širenje informacija.

Projekt "Razvoj turističkog itinerera u prekograničnoj oblasti između BiH i Crne Gore" se finansira u okviru programske linije Evropske unije "Program prekogranične saradnje BiH-Crna Gora, IPA - komponenta II".

Vrijednost Projekta je 219.605,31 eura, a EU je obezbijedila sredstva u iznosu 101.566,51 eura za BiH i 72.863,22 eura za Crnu Goru.

Partner Privredne komore Kantona Sarajevo u realizaciji projekta je Montenegro Biznis Alijansa iz Crne Gore.

ZAVIDOVIĆI IMAJU RECEPT ZA DOBAR TURIZAM: U DEVET POTEZA DO VIŠE TURISTA I BOLJE PONUDE

19. januar/siječanj – (eKapija) Općina Zavidovići do 2016. godine planira postati konkurentna i poduzetna sredina sa prepoznatljivim identitetom, općina ravnopravnih građana, sa ujednačenim urbanim i ruralnim razvojem, mjesto ugodnog i zdravog življenja. Shodno ovome u okviru Strategije integriranog razvoja za period 2012.-2016. godina određene su smjernice razvoja u okviru kojih je predviđena realizacija devet turističkih projekata čijom realizacijom će Zavidovići postati mjesto ugodnog življenja i mjesto gdje će turisti rado dolaziti.

Džeraldina Miličević, pomoćnik načelnika za upravu ekonomske poslove i poduzetništvo u Općini Zavidovići za eKapiju kaže da se radi o nekoliko projekata, tako je u okviru projekta uspostavljanje turističkog info-punkta planirana izrada punktova, koji će davati informacije o užoj ili široj lokaciji na kojoj se nalazi, sadržavati informacije o flori i fauni tog područja, karakteristikama, vrijednostima, eventualnim znamenitostima, fenomenima...

"Planirano je da po ugledu na najbolje prakse iz šireg okruženja, punktovi sadrže i informacije prezentirane na način privlačan i prihvatljiv za najmlađe, te za školsku omladinu", kaže Miličević, naglašavajući kako projekt podrazumijeva i izgradnju jednog objekta koji bi imao i izložbeni prostor, iznajmljivanje ski opreme, bicikala, speleološke opreme, smještajne kapacitete...

Poseban značaj Strategijom daje se razvoju Spomenika prirode - Tajan, zbog obogaćivanja ponude i povećanja šansi za samoodrživost, te stvaranja dodatne vrijednosti.

"Ovim projektom se planira podrška cijelom nizu mogućih potprojekata koji na različite načine podupiru razvoj turizma u okviru i neposrednoj blizini Spomenika prirode 'Tajan', a njihov broj i uspjeh zavisiće od angažmana lokalne razvojne agencije, privatne inicijative, nevladinog sektora i same Općine Zavidovići", ističe Miličević.

S obzirom da je općina Zavidovići izuzetno bogata tekućom vodom, a jedna o karakteristika grada je i to što leži na tri rijeke, šansa je data i jačanju lovnog i ribolovnog turizma.

"Kao prvi preduslov za ovo je izrada holističke studije izvodljivosti o razvoju lovnog i ribolovnog turizma na ovom području", pojašnjava Miličević, naglašavajući kako su smještajni kapaciteti jedan od osnovnih preduslova za kvalitetnu turističku ponudu.

Smještajni kapaciteti kaže postoje, međutim problem je što nisu uvezani, a što je neopodno ukoliko se žele uozbiljiti kada je ponuda u pitanju.

Akcentat je stavljen i na jačanje manifestacionog turizma (sajmovi, turniri, simpoziji...), uvezivanje lokalne turističke ponude sa širom regionalnom ponudom i Krivaju kao čistu rijeku kojom je planirano preduzimanje niza aktivnosti na uređenju i regulisanju otpadnih voda koje se trenutno direktno i neprečišćene ispuštaju u rijeku Krivaju i čine je nepogodnom za kupanje ili bilo kakvu drugu aktivnost.

"Nakon rješavanja ovog, ključnog, problema, pristupilo bi se realizaciji niza projekata na osmišljavanju i uspostavljanju različitih aktivnosti i sadržaja u slivu rijeke, koji bi je učinili još atraktivnijom i omogućili njeno korištenje na principima održivosti. Također je planirano uspostavljanje saradnje sa Općinom Olovo, a da bi se očuvanje rijeke i uspjeh projekta obezbijedio cijelom dužinom toka rijeke Krivaje", kaže Miličević, ističući kako će broj i rezultati ovakvih projekata zavisići od angažmana lokalne razvojne agencije, privatne inicijative, nevladinog sektora i same Općine Zavidovići.



Zavidovići

Savez / Zajedno za uređenu i razvijenu lokalnu samoupravu

OPĆINA VAREŠ PROGLASILA STANJE PRIRODNE NEPOGODE

VAREŠ, 27. januar/siječanj – Zbog velikih sniježnih padavina, a na osnovu Zakona o zaštiti i spašavanju ljudi i materijalnih dobara, od prirodnih i drugih nesreća, na prijedlog Općinskog stožera civilne zaštite, načelnik općine Vareš, donio je Odluku o proglašenju prirodne nepogode.

Visina sniježnog pokrivača na pojedinim mjestima dostiže 120 centimetara.

Obilne sniježne padavine donijele su mnogo problema i na području općine Olovo, naročito u mjestima u dolini Krivaje.

Zbog nemogućnosti prolaza autobusa, skoro stotinu učenika iz Kamenskog, Milankovića, Moguša, Ligatića i Mižinovića u općini Vareš ne pohađaju nastavu.

Saobraćaj na Magistralnom putu M-18 odvija se otežano, a regionalni putevi Olovo-Han Pijesak i Olovo – Sokolac su u prekidu zbog velike količine snijega i pojave lavina.

Većina lokalnih puteva teško je prohodna zbog snijega koji konstantno pada.

U pojedinim naseljima gdje nema autobuskih linija, saobraćaj je u potpunom prekidu.



POČELA IZRADA VINOGRADSKOG KATASTRA PODRUČJA OPĆINE ČITLUK

27. januar/siječanj – Ovih je dana u tijeku izrada vinogradarskog katastra općine Čitluk koji se provodi u cilju prikupljanja podataka o trenutnom stanju površina pod nasadima vinove loze na području ove općine. Taj opsežan i sveobuhvatan projekt organizira Agromediteranski zavod FBiH u saradnji s općinom Čitluk i Udrugom vinogradara i vinara Hercegovine.

S tim u svezi, posredstvom mjesnih zajednica većini broćanskih vinogradara već je dostavljen upitnik, kojeg bi trebali popuniti i što prije dostaviti mjerodavnoj općinskoj službi. Osim imena i prezimena te mjesta stanovanja, vinogradari bi u upitniku trebali popuniti mjesto i naziv parcele na kojoj je zasađen vinograd, nagib prema strani svijeta, broj zasađenih trsova, godinu sadnje, uzgojni oblik, razmak sadnje, visinu trsova, planirani urod po trsu te naziv i broj trsa svake pojedinačne sorte, kao i ukupan broj trsa bijelih i crnih sorti vinove loze. Vinogradari su dužni za svaku parcelu pod vinogradom popuniti po jedan upitnik.

Treba, međutim, napomenuti kako se upitnik neće koristiti ni u kakve druge svrhe osim za uređenje već spomenutog vinogradarskog katastra općine Čitluk, o čemu su vinogradari i obaviješteni.

Katastar je vrlo bitan da bi se utvrdilo koliko vinograda ima, broj trsa, koliko bijelih i crnih sorti vinove loze. Procjenjuje se da na području općine Čitluk postoji između 700 i 1.000 ha plantažnih vinograda. Iako se na području čitlučke općine nalazi najveće vinogorje u Bosni i Hercegovini, žalosna je činjenica da se do sada nije znalo ni kolike su površine pod vinogradima, ni koje sorte, kakva je struktura vinograda, pa tako ni koliko se godišnje u Brotnju proizvede grožđa i vina.

Kad vinogradarski katastar bude završen i uređen kako treba, a to bi trebalo obaviti u kratkom roku, tačno će se znati pravo stanje površina pod vinogradima i tačan broj trsa na području općine Čitluk.


ZAPOČEO PROCES IZRADLE LEAP-a ZA OPĆINU ORAŠJE

ORAŠJE, 27. januar/siječanj – U sklopu provedbe Zajedničkog programa Standardizacije upravljanja zaštitom životne sredine u BiH, Općina Orašje, u saradnji sa UNDP-om, započela je proces izrade Lokalnog akcionog plana za zaštitu životne sredine Općine Orašje (LEAP).

Općinski načelnik Đuro Topić imenovao je šesteročlanu radnu skupinu i općinskog LEAP koordinатора koji će u saradnji sa UNDP-om i angažiranim konsultantima pripremiti i izraditi LEAP dokument.

Plan će sadržavati izvještaj o stanju životne sredine, definirane probleme i ciljeve s konkretnim zadacima za rješavanje problema u oblasti životnog okoliša.

Trenutno se radi na procjeni stanja i definiranju problema životne sredine što je i prva zadaća radne skupine koja bi cjelokupan dokument trebala uraditi do kraja ove godine.



Grb Općine Vareš

Procjenjuje se da na području općine Čitluk postoji između 700 i 1.000 ha plantažnih vinograda.



Orašje





Co-operation for the Development
of Emerging Countries
www.cospe.org



U Reciklažnom dvorištu zaposlene su tri osobe, pripadnici romske zajednice, sa evidencije nezaposlenih u Općini Jablanica.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Projekat je sufinansiran od strane UNDP-a i obuhvata zamjenu 950 postojećih semaforiskih žarulja od 75W sa pratećim priborom, novim LED semaforiskim ulošcima.



ISPORUČEN KAMION ZA RECIKLAŽNO DVORIŠTE

JABLANICA, 25. januar/siječanj – U Jablanici je danas isporučen kamion sa kiperskom nadogradnjom u Reciklažno dvorište kojim upravlja Javno komunalno preduzeće (JKP) Jablanica, čime je kompletirana dostava ukupne opreme koja je obezbijeđena u okviru trogodišnjeg projekta "Sistemi upravljanja otpadom iz preduzeća", kojeg finansiraju italijansko Ministarstvo vanjskih poslova i Regija Toskana.

Projekat implementiraju italijanska organizacija Cospe iz Firence, u partnerstvu sa Udruženjem za poduzetništvo i posao LiNK Mostar, a u saradnji sa općinama Jablanica i Čapljina, javnim komunalnim preduzećima iz ovih općina, te Ministarstvom trgovine, turizma i zaštite okoliša Hercegovačko-neretvanskog kantona (HNK).

U Reciklažnom dvorištu selektivno se sakuplja korisni otpad od juna/lipnja 2011. godine.

JKP "Jablanica" izradio je određeni broj dodatnih boksova za sakupljanje papira i kartona kod većih potrošača, a u zgradi Općine raspoređene su i kartonske kutije za sabiranje otpada.

Glavni cilj projekta je uspostaviti održivi mehanizam sabiranja, selektiranja i valorizacije korisnog krutog otpada, što treba da utiče na smanjene količina otpada, posebno korisnog otpada koji se odlaže na deponiju, a time i šteti odlagališni prostor i produžuje vijek trajanja deponije.

U Reciklažnom dvorištu zaposlene su tri osobe, pripadnici romske zajednice, sa evidencije nezaposlenih u Općini Jablanica.

Općina Jablanica prihvatila je ovaj način upravljanja otpadom, jer predstavlja početak sistemskog rješavanja korisnog otpada, što je definirano po zakonu o zaštiti okoliša i novim Pravilnikom o upravljanju otpadom u HNK.

FOND ZA ZAŠTITU OKOLIŠA FBiH ODOBRILO 100.000 KM OPĆINI ŽEPČE

Općina Žepče prošla je na Javnom natječaju za korištenje sredstava Fonda za zaštitu okoliša FBiH za realizaciju programa, projekata i sličnih aktivnosti iz područja zaštite okoliša za 2011. godinu.

Općina Žepče aplicirala je sa projektom "Rješavanje problema u vodoopskrbi naselja MZ Lug Brankovići i MZ Donja Ozimica", za što je dobreno 100.000 KM u sklopu programa koji se odnosi na sufinansiranje programa u oblasti upravljanja vodama čija je implementacija u tijeku.

Na objavljeni Javni natječaj blagovremeno je dostavljeno 260 prijava, a Upravni odbor Fonda je donio odluku da pravo na korištenje sredstava Fonda ostvaruje 87 aplikanata, među kojima i Općina Žepče.

Fond za zaštitu okoliša FBiH će, prema Odluci Upravnog odbora, izvršiti sklapanje ugovora o dodjeli sredstava između korisnika i Fonda, kojim se definiraju međusobna prava i obaveze u realizaciji projekata, programa i drugih aktivnosti za koja su odobrena sredstva.

TUZLA KREĆE U PROJEKAT LED SEMAFORSKE SIGNALIZACIJE

30. januar/siječanj – Općina Tuzla, kada je u pitanju energetska učinkovitost započinje projekte sa kojima ide korak dalje u odnosu na ostale lokalne zajednice u Bosni i Hercegovini. Nekoliko projekata uspješno je završeno i u planu su već novi.

U narednom periodu očekuje se početak radova na projektu LED semaforiske signalizacije. Projekat je sufinansiran od strane UNDP-a i obuhvata zamjenu 950 postojećih semaforiskih žarulja od 75W sa pratećim priborom, novim LED semaforiskim ulošcima.

U okviru projekta planirana je isporuka i ugradnja 71 nove LED laterne fi 300 mm na semaforiziranim raskrsnicama u Tuzli.

"Očekivane uštede su oko 41.000 KM u električnoj energiji i oko 20.000 KM u održavanju", navode u Općini Tuzla za portal eKapija.

Tender za nabavku usluga ugradnje semaforiskih laterni i uložaka na semaforiziranim raskrsnicama u Tuzli raspisan je prošle godine, a u cilju realizacije ovoga projekta UNDP je raspisao i javni poziv za nabavku usluga nadzora ugradnje LED semaforiskih laterni i uložaka na semaforiziranim raskrsnicama u Tuzli.



U PRAČI POČELA GRADNJA AZILA ZA ŽIVOTINJE



Prača

SARAJEVO, 1. februar/veljača – Premijer Kantona Sarajevo Fikret Musić, kantonalni ministri privrede, prostornog uređenja i zaštite okoliša Rusmir Sendić i Abid Jusić te načelnik Općine Novo Sarajevo Nedžad Koldžo posjetili su danas općinu Prača gdje su sa načelnikom Asimom Zecom obišli i ozvaničili početak radova na gradnji azila za napuštene životinje.

U njemu će, kako je precizirano Sporazumom o sufinansiranju unajmljivanja objekta potpisanom između Kantona, Grada i općina, biti smješteno 500 pasa lutilica iz Kantona Sarajevo.

Objekt se gradi u mjestu Brdarići na zemljištu površine 70.000 metara kvadratnih koje je u

vlasništvu firme „Murai komerc“ koja je ujedno i jedini investitor gradnje objekta.

Prema riječima njenog vlasnika Muriza Alića završeni su pripremni radovi na uređenju zemljišta kao i pristupnog puta budućem objektu i u toku su armirano-betonski radovi na temeljima objekta površine 4.500 metara kvadratnih.

I pored loših vremenskih uslova, očekuje se da bi svi radovi trebali biti okončani najdalje do sredine marta/ožujka, kada će se obaviti tehnički prijem i objekt zvanično pustiti u funkciju.

„Gradnju objekta firma će finansirati vlastitim sredstvima u iznosu od 1.500.000 KM“, naglasio je Alić i dodao da je prije početka radova pribavljena neophodna saglasnost za projekt gradnje i funkcioniranja azila od Kantona Sarajevo kao i urbanistička i građevinska dozvola od Općine Prača, te ostale prateće saglasnosti i dozvole.

Alić je istakao da će nakon puštanja objekta u funkciju u njemu biti smješteno od 520 do 600 pasa. Svaki pas imat će na raspolaganju sedam metara kvadratnih natkrivenog prostora, te deset metara kvadratnih prostora za šetnju, što su standardi propisani Zakonom o zaštiti životinja. Prema njegovim procjenama i planovima u narednih pet godina smještajni kapaciteti u azilu će biti prošireni za oko 5.000 napuštenih životinja.

Zamislao je također da ova firma u saradnji sa nevladinim organizacijama koje su uključene u problematiku zaštite i zbrinjavanja pasa, nakon njihovog smještaja u azil, pokrene internet stranicu na kojoj će biti postavljene pojedinačne fotografije i podaci o svakom psu.

Tako će potencijalni udomitelji imati sve podatke na jednom mjestu.

Sve pojedinosti vezane za funkcionisanje azila će biti precizirane Ugovorom koji će potpisati predstavnici Kantona, Grada, općina i investitora nakon što se završi gradnja objekta.

Premijer Fikret Musić podsjetio je da su se Kanton Sarajevo, Grad i općine potpisivanjem Sporazuma o sufinansiranju unajmljivanja azila za životinje, krajem decembra/prosinca prošle godine, obavezale da će iz svojih budžeta u ovoj godini izdvojiti sredstva za unajmljivanje mjesta, te zbrinjavanje i kompletnu njegu 500 pasa lutilica.

Za ove namjene je planirano ukupno 940.000 KM, a novac će između ostalog biti utrošen na transport, čipovanje pasa, ishranu, vakcinaciju, te u nekim slučajevima eutanaziju i sahranjivanje pasa.

Također bi iz ovih sredstava dio novca bio raspoređen i na plaće 15 uposlenika iz općine Prača koji će biti angažovani na poslovanju održavanja skloništa i njege pasa.

„Ovaj projekt je zasnovan na tripartitnom odnosu od kojeg će korist imati Kanton Sarajevo i općine u njegovom sastavu, te Općina Prača i investitor“, istakao je ministar Sendić.

On je naveo da očekuje da će investitor ispoštovati zadate rokove u izgradnji objekta, kako bi se što prije moglo pristupiti sklanjanju pasa s ulica.

Ministar Sendić navodi da radove nadzire stručna komisija koju je oformio Kanton, a u čijem su sastavu predstavnici Kantona i općina, saopćila je Press službe KS-a.



„Ovaj projekt je zasnovan na tripartitnom odnosu od kojeg će korist imati Kanton Sarajevo i općine u njegovom sastavu, te Općina Prača i investitor“

u narednih pet godina smještajni kapaciteti u azilu će biti prošireni za oko 5.000 napuštenih životinja.



Prača, mjesto građenja azila

SARAJEVO OTVARA URED ZA ENERGETSKU EFIKASNOST

2. februar/veljača – Sarajevo će naredne sedmice dobiti ured za energetska efikasnost i time postati prvi grad u Bosni i Hercegovini koji je otvorio ovaj ured.

Aktivnosti ureda za energetska efikasnost definirane su Akcionim planom energetski održivog razvoja grada (Sustainable Energy Action Plan - SEAP) koji je usvojilo Gradsko vijeće u julu/srpnju 2011. godine. Ured će pratiti i proučavati stanje u oblasti zgradarstva, javnog transporta i javne rasvjete u gradu Sarajevu, raditi na izradi analitičkih, informativnih i drugih materijala o





**Zenica, sa ceremonije
potpisivanja ugovora**

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Za kompletan projekat neophodna su finansijska sredstva od oko 25 miliona KM, koja će Općina nastojati obezbijediti iz investicionih fondova koji se bave zaštitom okoline kao i drugih razvojnih i evropskih fondova



"Iz dosadašnjih, sličnih iskustava u BiH, može se zaključiti da je toplifikacija Banovića sa kotlovima na uglj najpovoljnije rješenje..."

stanju i problemima u oblasti racionalnog korištenja energije i predlagati rješenja za utvrđivanje politike i mjera u ovoj oblasti, raditi na uspostavljanju sistema kontinuiranog praćenja potrošnje energije i energenata u javnim objektima.

Ured će učestvovati i u izradi odluka i drugih propisa i provedbenih akata radi povećanja energetske efikasnosti u objektima javne namjene, inicirati pripremu projekata za apliciranje na EU fondove, te besplatno savjetovati građane Sarajeva o mjerama energetske efikasnosti.

Otvaranje Ureda i Info centra za energetska efikasnost, pored Grada Sarajeva, pomogli su: Ministarstvo za ekonomsku saradnju i razvoj SR Njemačke, Njemačko udruženje za međunarodnu saradnju (GIZ), Otvoreni regionalni fond – Energetska efikasnost u Jugoistočnoj Evropi i sarajevska Općina Centar.

POTPISAN UGOVOR ZA IZGRADNJU GLAVNE GRADSKJE MAGISTRALNE

ZENICA, 27. januar/siječanj – U Zenici je potpisan ugovor o izgradnji prve faze Glavne gradske magistrale Zenica. Potpisivanju je prisustvovao veliki broj zvaničnika, među kojima i član Predsjedništva BiH Bakir Izetbegović.

Gradnja prve faze glavne gradske magistrale u dužini od 3,25 km, početak će u martu/ožujku ove godine.

Sredstva za gradnju Glavne gradske magistrale (GGM) osigurana su kreditom Saudijskog fonda za razvoj u iznosu od 25 miliona američkih dolara. Gradnja se izvodi u dvije faze. Prva faza koštati će oko 23 miliona KM. Druga faza podrazumijeva gradnju vangradske dionice od četiri kilometra i mosta koji će povezati GGM sa novom cestom za povratak u grad.

GGM bi trebao da obezbijedi brz i protočan saobraćaj, te da poveže primarnu i sekundarnu uličnu mrežu sa autocestom na koridoru 5c.

BANOVIĆI KRENULI U INVESTICIJU VRIJEDNU 25 MILIONA KM

20. januar/siječanj – (eKapija) Projekat toplifikacije Banovića koji je među prioritetima nalazi se u fazi obezbijedenja i zatvaranja finansijske konstrukcije i mogućih partnerskih odnosa (privatno/javno), potvrdila je za naš portal Sanela Huskić, glasnogovornica Općine Banovići.

U okviru projekta Huskić kaže kako je do sada izvršeno anketiranje zainteresovanosti građana koji su potvrdili interes sa oko 70 posto, urađena je Studija izvodljivosti i Idejni projekat.

"Realizacija projekta je zamišljena u dvije faze. Za prvu fazu potrebna su finansijska sredstva od oko 12 miliona

KM čijim bi zaživljavanjem bilo moguće pristupiti drugoj fazi koja podrazumijeva proširivanje mreže korisnika. Druga faza vremenski će se uskladiti sa izgradnjom Termoelektrane Banovići, čime će ujedno biti smanjeni troškovi ulaganja u proširenje toplotnih kapaciteta", pojašnjava Huskić.

Pri realizaciji projekta posebna pažnja će se posvetiti primjeni najsavremenijih tehnoloških rješenja i standarda, te ugradnji savremenih kotlova na čvrsto gorivo sa visokim stepenom iskorištenja i prečišćavanja dimnih gasova čime će se omogućiti gašenje mnogobrojnih lokalnih ložišta što će rezultirati znatnim poboljšanjem kvaliteta zraka, odnosno poboljšanja uslova života građana.

Za kompletan projekat neophodna su finansijska sredstva od oko 25 miliona KM, koja će Općina nastojati obezbijediti iz investicionih fondova koji se bave zaštitom okoline kao i drugih razvojnih i evropskih fondova.

"Iz dosadašnjih, sličnih iskustava u BiH, može se zaključiti da je toplifikacija Banovića sa kotlovima na uglj najpovoljnije rješenje sa stanovišta sigurnosti snabdijevanja, blizine rudnika i cijene jer su eksploaticioni troškovi iskopa uglja dosta niski", ističe Huskić, naglašavajući kako se tenderi za izvođenje bilo koje vrste radova mogu očekivati tek nakon obezbijedenja sredstava, a predviđa se da će se u određene investicije krenuti u toku ove godine.

Projektom će biti obuhvaćeno čitavo gradsko područje grada Banovića, a u drugoj fazi projektom će se mreža proširiti i na okolna naselja, što će biti moguće tek nakon zaživljavanja prve faze projekta.



Banovići

Savez / Zajedno za uređenu i razvijenu lokalnu samoupravu

BOSANSKI PETROVAC OČEKUJE INVESTICIJU OD 50 MILIONA EURA: PRVI VJETROPARK MOŽDA VEĆ SLJEDEĆE GODINE

24. januar/siječanj – (eKapija) Energija vjetra na području općine Bosanski Petrovac, čije istraživanje je u toku, prema procjenama mogla bi imati snagu od preko 200 megavata (MW) električne energije.

Kako saznaju Nezavisne, prema dosadašnjim pismima namjere, u vezi s ovim projektom, vrijednost investicije u vjetroparkove u Bosanskom Petrovcu bi premašila 50 miliona eura, a u općini kažu da bi izgradnja parka vjetroelektrana mogla početi sljedeće godine, ukoliko ne bude problema u procedurama dobijanja dozvola.

Naime, kanadska kompanija "Greta Energie", koja je smještena i u BiH, prve tehničke i druge pripreme radnje počela je još 2008. godine, dok je 2009. godine započeto s mjerenjima.

U međuvremenu, u posljednjih godinu dana, u ovom poslu prisutna je i njemačka kompanija "Kraft", s kojom je i potpisan sporazum o namjeri instaliranja vjetro-parka od 150 MW na području općine Bosanski Petrovac.

Takođe, prema dosadašnjim istraživanjima, određena je i najpogodnija lokacija, koja se nalazi na širem području Medenog polja, koje je smješteno u zapadnom dijelu općine Bosanski Petrovac, prema Bihaću.

U Općini Bosanski Petrovac kazali su da je Vlada Unsko-sanskog kantona već pripremila proceduru za raspisivanja javnog tendera za dodjelu koncesije za istraživanje i eksploataciju vjetroelegije na području ove općine.

Oni su naveli da je jedan od interesa BiH da zadovolji procenat proizvodnje električne energije iz obnovljivih izvora, te da u ovakvom projektu svi imaju i interes i korist.

"Radi se o vrlo visokim investicijama, jer je postavljanje jednog stuba vjetrenjače od tri megavata vrijedno oko milion eura", rekli su u općini i dodali da bi Bosanski Petrovac imao procenat od prodaje električne energije.

Prema njihovim riječima, za takav poduhvat neki državni propisi, poput limita u transportu, su smetnja, ali se nadaju da će se država u narednom periodu ozbiljnije baviti ovim problemom.

"Dosadašnja pisma namjere pokazuju da bi vrijednost investicije u vjetroparkove u Bosanskom Petrovcu premašila 50 miliona eura, ali nažalost taj proces dugo traje", rekli su u općinskoj službi i dodali da bi gradnja vjetroparkova, ukoliko sve bude prošlo bez većih problema, mogla da počeli početkom sljedeće godine.

Stručnjaci smatraju da se osnovne prednosti vjetroelektrana ogledaju u tome što ne troše gorivo, jer je energija vjetra, uslovno rečeno, "besplatna".

Zdravko Milovanović, profesor na Mašinskom fakultetu u Banjaluci, rekao je da vjetroelektrane imaju pozitivne i negativne karakteristike.

"Negativne su te da kada postavite stub on narušava pejzaž, ima negativan uticaj na ptice i njihovo kretanje, te eroziju tla", rekao je Milovanović i dodao da je pozitivna stvar ta što ne zagađuju okolinu.

Takođe, stručnjaci navode da farma vjetroelektrana može imati umjeren pozitivan uticaj na smanjenje snage vjetra u područjima koja su inače izložena suviše jakim vjetrovima.



Stručnjaci smatraju da se osnovne prednosti vjetroelektrana ogledaju u tome što ne troše gorivo, jer je energija vjetra, uslovno rečeno, "besplatna".

"Radi se o vrlo visokim investicijama, jer je postavljanje jednog stuba vjetrenjače od tri megavata vrijedno oko milion eura"

POSJETA DELEGACIJE KRALJEVINE ŠVEDSKE REGIONALNOM LOKALITETU ZA OBUKU U OPĆINI ILIDŽA

Dana 02. februara/veljače 2012. godine N.J.E. Bosse Hedberg, ambasador Kraljevine Švedske i predstavnici Švedske agencije za međunarodni razvoj i saradnju – Sida posjetili su regionalni lokalitet za izvođenje obuke na području općine Ilidža. Tom prilikom predstavnica Općine Ilidža istakla je da je u sklopu projekta „Sistem obuke za jedinice lokalne samouprave u Bosni i Hercegovini“ opremljen prostor koji je namijenjen za potrebe izvođenja obuke za državne službenike i izabrane zvaničnike jedinica lokalne samouprave, a koji je obezbijeđen pratećom tehničkom opremom. Posjeti su također prisustvovali predstavnici Razvojnog programa ujedinjenih nacija – UNDP-a koji je nosilac aktivnosti navedenog projekta kao i predstavnici Saveza općina i gradova Federacije Bosne i Hercegovine kao jednog od projektnih partnera.

Regionalni lokalitet za izvođenje obuke na Ilidži je jedan od pet lokaliteta u Federaciji Bosne i Hercegovine koji služe za pomenutu svrhu. Naime pored Općine Ilidža, domaćini regionalnih lokaliteta za izvođenje obuke su i općine: Vitez, Tuzla, Bosanski Petrovac i Tomislavgrad.




INTERVJU: FUAD ŠIŠIĆ, NAČELNIK OPĆINE TEŠANJ



Grb Općine Tešanj

KORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Tešanj

“Nosioci privrednog razvoja u Tešnju su već desetljećima kompanije iz područja automobilske industrije. Tu su Pobjeda, MHBA, odnosno bivši UNICO FILTER, zatim ENKER - Bukva i FAD - Jelah. “

Razgovarala: Lejla KURTOVIĆ

SARAJEVO, 2. februar/veljača – Načelnik Općine Tešanj Fuad Šišić u intervjuu za Agenciju ONASA govori, između ostalog, o radu Općine i najznačajnijim projektima u 2011. godini, nosiocima privrednog razvoja, granama privrede koje imaju najveće potencijale za ulaganje, šta Općina čini kako bi privukla investitore, najčešćim problemima, trenutnoj ekonomskoj situaciji i stepenu zaposlenosti na području općine Tešanj, zatim o iskustvima Općine kada je riječ o emitovanju općinskih obveznica...



Fuad Šišić

ONASA: Kako biste ocijenili rad Općine Tešanj u 2011. godini i koji su najznačajniji projekti koje ste realizovali ili čija je realizacija počela u proteklom periodu?

ŠIŠIĆ: Od ocjene Općinskog načelnika je važnija ocjena građana općine Tešanj, poslovnog svijeta, nevladinog sektora, pa i drugih zainteresiranih strana, odnosno partnera općinskoj administraciji i lokalnoj upravi uopće.

Ono što Općina Tešanj danas ima kao performansu, kao pokazatelj uspješnosti, mjeri se ocjenom zadovoljstva korisnika naših usluga, koji već dvije godine zaredom ima pozitivan trend i prešao je stepen od 80 posto.

Eksterni pokazatelji su priznanja koja stižu sa viših nivoa i drugih strana. Izdvojio bih uspješnu reformu općinske administracije sa uvedenim Menadžment sistemom Općine Tešanj u skladu sa zahtjevima međunarodnog standarda za koji smo dobili najviše ocjene na 6. Konferenciji kvaliteta BiH krajem prošle godine u Tuzli. Također, Elektronski registar usluga smo veoma uspješno okončali u saradnji i prema ocjeni Međunarodne finansijske korporacije (IFC), članice grupacije Svjetske banke (WB), a podrška mladima, prema ocjeni Centra civilnih inicijativa (CCI), bila je u samom vrhu unutar Bosne i Hercegovine. Tu je i Povelja za kulturno-historijsko naslijeđe za 2011. godinu, zatim smo potpisali Sporazum sa Delegacijom Evropske unije (EU) u BiH kao jedna od 10 općina u BiH o energetske efikasnosti i obnovljivim izvorima energije, te predali šest urednih aplikacija sa različitim partnerima na fondove EU pomoći kroz IPA programe prekogranične saradnje.

Na inovativnoj ravni smo prvi u Federaciji BiH (FBiH) emitovali općinske obveznice radi uređenja poslovne zone za investitore i jedini u 2011. godinu uspješno prošli taj proces. U toku su radovi u poslovnoj zoni Glinište, Jelah-Rosulje na izgradnji infrastrukture. Nudimo investitorima zemljište bez naknade, bez bilo kakvih plaćanja Općini, uz ugovor za nova radna mjesta.

Istovremeno, nastavili smo sa projektima javno-privatnog partnerstva u samom gradu i izvršili pripreme za Jelah. Projekti "MUSALA", "VRATA 1 i VRATA 2 - Ulaz u Tešanj" su u završnoj fazi, a u fazi usvajanja je urbanističko rješenje samog centra Jelaha.

Također, završili smo idejno rješenje prikupljanja otpadnih i oborinskih voda za cijelo područje općine Tešanj sa uređajima za prečišćavanje i nastavili ulaganja u nekoliko lokalnih vodovoda gdje stanovništvo nije bilo snabdjeveno vodom.

Naravno, nastavili smo i realizaciju niza infrastrukturnih projekata u različitim područjima u cijeloj općini.

Krajem decembra smo donijeli budžet za 2012. godinu u kojem smo predvidjeli da ćemo prenijeti i nešto viška prihoda iz 2011. godine, odnosno zadržali smo punu stabilnost lokalnog budžeta.

ONASA: Na čemu će biti akcenat rada lokalne vlasti u Tešnju u narednom periodu?

ŠIŠIĆ: Ne postoje razlozi da se smjer mijenja. Naprotiv, postoje razlozi da se nastavi ovim putem ka dostizanju dugoročnih ciljeva definisanih strateškim dokumentima Općine, te da se, svakako, nastavi sa promjenama i inovativnim pristupom. Ovo drugo je posebno važno za administraciju. Stalna poboljšanja da sa manje resursa, odnosno manje vremena, novca i rada, dostižemo postavljene ciljeve i uradimo više za lokalnu zajednicu, te da usvajamo nova znanja i vještine, kao i da uvodimo nove alate u svom radu.

Potrebno je otvoriti proces redefinisanih lokalnih strateških dokumenata u 2012. godini i raspraviti nove ciljeve za naredni period, eventualno neke postojeće redefinisati. Svakako, potrebno je nastaviti raditi na promjeni organizacijske kulture, nastaviti oslobađanje birokratskih navika i usvajati nove koje su karakteristika holističkih organizacija sa visokim stepenom međusobne interakcije u korist građana i zajednice.

ONASA: Ko su nosioci privrednog razvoja općine Tešanj?

ŠIŠIĆ: Nosioci privrednog razvoja u Tešnju su već desetljećima kompanije iz područja automobilske industrije. Tu su Pobjeda, MHBA, odnosno bivši UNICO FILTER, zatim ENKER - Bukva i FAD - Jelah. Ove kompanije su izrastale od samog početka, još od vremena društvenog vlasništva, po tržišnim pravilima zapadnog tržišta jer su prestižne korporacije iz Njemačke i Italije bili kupci proizvoda iz Tešnja. Trebalo je ispuniti zahtjeve svjetske klase, kao što su Mercedes, Volkswagen, MAN, Iveco, Deutz, Fiat, Renault i drugi.

Savez / Zajedno za uređenu i razvijenu lokalnu samoupravu

Dakle, Tešanj je, sticajem okolnosti, ostao bez nekog većeg sistema u periodu socijalističkog društva i bio je prinuđen osloniti se na manje projekte koji zahtijevaju visok stepen tehnološke obrade, pa samim tim i znanja. I proces privatizacije, nakon devastacije poslovne infrastrukture i razaranja naše zemlje, u ovim kompanijama uspješno je okončan i danas sve uspješno posluju. UNICO FILTER je sada u rukama svjetske korporacije MANN&HUMMEL, sa matičnim sjedištem u Njemačkoj, dok je FAD preuzeo veoma snažno pozicionirani u autoindustriji PREVENT, gdje je Bosanac Nijaz Hastor jedan od ključnih ljudi biznisa i vlasništva. POBJEDA i ENKER su privatizirali rukovodstvo ovih kompanija sa uposlenim i iz tih razloga nemaju rast kao prve dvije kompanije, ali uspješno posluju.

Moram napomenuti da je Tešanj dobio jednu sjajnu generaciju poduzetnika koji su bili hrabri i preuzeli rizik, te pokrenuli niz novih djelatnosti koje su proširile i obogatile paletu proizvoda iz Tešnja u području obrade metala, prehrane, tekstila, kože, obuće, obrade drveta, hemijske industrije i poljoprivrede. Tu su i usluge u prometu roba. HIFA-GROUP je vodeća kompanija u energetskom sektoru prometovanja nafte i naftnih derivata, a AS-GROUP je svoju veletrgovačku mrežu ojačao sopstvenom proizvodnjom u Tešnju i Visokom.

Istina, ova široka lepeza malih i srednjih preduzeća nosi svoje rizika u ovoj fazi razvoja. Ona su bila, uglavnom, oslonjena na vlasnika, ponekad sa dosta improvizacije, neuređenim odnosima i obavezama, pa su u nekim slučajevima i uposleni nosili teret koji nije uvijek bio fer. Međutim, sada očekujemo drugu generaciju. Djeca vlasnika se obrazuju, biznis prelazi iz glave osnivača u planove i budžet njihove djece koja se obrazuju i mi s pravom očekujemo jedan uravnoteženi dalji razvoj u tom smislu.

ONASA: Koje grane privrede imaju najveće potencijale za ulaganje u Tešnju i šta Općina čini kako bi privukla investitore?

ŠIŠIĆ: Tešanj ima jednu razvijenu industrijsku kulturu, ima vrijedne uposlene i pouzdane poslovne ljude. Na ovakvu osnovu se može dodati mnogo toga. Pitanje je šta investitori žele. Općina Tešanj nudi uređeno građevinsko zemljište, bez nakade, u zamjenu za nova radna mjesta, uz čvrst ugovor. U svemu drugom smo fleksibilni i prilagodilićemo se.

ONASA: Prema Vašem mišljenju, koji su najčešći problemi sa kojima se suočava općina Tešanj?

ŠIŠIĆ: U institucionalnom smislu se suočavamo kao i druge jedinice lokalne samouprave sa neriješenim zakonskim okvirima nadležnosti, ovlaštenja i odgovornosti na lokalnom nivou. Bosna i Hercegovina je prihvatila Evropsku povelju o lokalnoj samoupravi, ali nije ništa promijenila u svom zakonodavstvu. Mi sada imamo samo naziv, a gotovo svi zakoni određuju i život na području jedne općine. Lokalna vlast i administracija trenutno više služe višim nivoima vlasti, nego građanima. Nije ostavljena sloboda lokalnoj samoupravi, pa da možete vidjeti veće razlike između općina u Bosni i Hercegovini. Još su najveće razlike između općina njihova površina, broj stanovnika i etnička struktura, nego što je oblik organiziranja.

U društvenom kontekstu, neuposlenost je problem broj jedan koji teško da će u kratkom vremenu biti značajnije izmijenjen sa ovakvim statusom države Bosne i Hercegovine.

ONASA: Kako biste ocijenili trenutnu ekonomsku situaciju na području općine Tešanj?

ŠIŠIĆ: Tokom 2011. godine su sve proizvodne kompanije imale određen rast, ali posljednji kvartal je pokazao znake slabosti na tržištu jer su narudžbe smanjene. Naravno, to je srednja ocjena. Postoje devijacije po područjima, pa i po kompanijama. Negdje imamo stalan rast bez obzira na krizu, a negdje smo imali ozbiljne zastoje i padove. Ipak, nije bilo zatvaranja firmi iz ovih razloga.

Trenutno je najveći problem za prijevoznicike kompanije iz Tešnja koje nisu dobile dozvole za međunarodni transport i prijeti im stečaj. Radi se, u krajnjem, o birokratskim razlozima, ali bi zbog toga nekih 50 uposlenih moglo ostati bez posla.

Poljoprivredna gazdinstva se bore da osiguraju primanja za život ovim putem, uz poticaje koji dolaze sa nivoa Federacije, Zeničko-dobojskog kantona (ZDK) i Općine.

I dalje je značajan broj naših građana na radu u Italiji, uglavnom na građevinskim poslovima, te u Njemačkoj, Austriji i drugim zemljama. Njihove zarade su tamo, a potrošnja ima pozitivan uticaj na lokalnu ekonomiju. Istovremeno je to za nas i rizik, s obzirom na stanje u Italiji i visok stepen nesigurnosti njihove ekonomije.

ONASA: Koliko Općina izdvaja za poticaj privredi i na koji način obezbjeđujete dodatna sredstva?

ŠIŠIĆ: Već sam pomenuo da Općina daje poticaj poljoprivredi na godišnjem nivou između 200.000 i 300.000 KM, a ulažemo i u izgradnju poslovne infrastrukture. Kod investicija ili bilo kakvih administrativnih potreba iz nadležnosti Općine, poslovni svijet ima prioritet i nema čekanja. Ali, naše nadležnosti su neznatne i naše mogućnosti da dajemo poticaje tekućem poslovanju u privredi nisu mogući.



Tešanj



Tešanj

“Općina Tešanj nudi uređeno građevinsko zemljište, bez nakade, u zamjenu za nova radna mjesta”

“Općina daje poticaj poljoprivredi na godišnjem nivou između 200.000 i 300.000 KM, a ulažemo i u izgradnju poslovne infrastrukture”



Tešanj



Tešanj

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



ONASA: Da li ste zadovoljni stepenom zaposlenosti na području općine Tešanj i šta će općinska vlast uraditi na poboljšanju stope zaposlenosti, posebno mladih i obrazovanih kadrova?

ŠIŠIĆ: Već sam dao odgovor šta Općina Tešanj čini za investitore i to je put ka zapošljavanju. Općina Tešanj već tri godine daje stipendije svima i sada postoji taj problem da mladi završavaju školovanje i vraćaju se čekajući na posao. Općina Tešanj je u 2011. godini pokrenula jedan projekat kojim omogućava i potiče mlade da sami mladi pokreću biznis, odnosno da ne čekaju, da budu vlasnici, pokretači posla, a ne da traže od drugih posao. Na javni poziv dobili smo 12 prijava. Potpisali smo pet ugovora. Kvalitet ponuđenih biznis planova ocijenili su lokalni privrednici. Općina je osigurala troškove registracije djelatnosti, zakup prostora i 50 posto troškova na plaće uposlenih prema državi.

Moramo pomoći mladima da promijene način razmišljanja. Ne mogu čekati na posao i tražiti posao od drugih, već moraju biti hrabri, preuzeti rizik i pokušati sami.

ONASA: Možete li prenijeti iskustva Općine Tešanj kada je riječ o emitovanju općinskih obveznica, s obzirom na to da je Tešanj prva općina u Federaciji BiH koja je to učinila?

ŠIŠIĆ: Općina Tešanj nije imala dileme oko prioriteta. Imali smo spreman Regulatorni plan za novu poslovnu zonu, kao i partnera, ali nismo imali u budžetu sredstava za to. Obveznice su bile dobar model, jer smo, kao Općina, mogli upravljati procesom i diktirati uslove koji nama odgovaraju. Sve je proteklo gotovo idealno. Investitori, odnosno kupci naših obveznica su u prvom pokušaju otkupili cijeli iznos. Bila je to potvrda da postoji povjerenje u Općinu Tešanj.

U toku je izvođenje radova i 18 placeva za investitore će biti spremno negdje u aprilu, jer sada vremenski uslovi usporavaju radove. Nama ostaje da se nadamo da novi globalni zastoj u ekonomiji neće značajnije uticati na taj posao, ali kako god bude, Općina Tešanj će biti spremna za nove investitore, a Budžet Općine Tešanj je usvojen za 2012. godinu i pokazuje sve znakove stabilnosti.

STUDIJSKA POSJETA BRISELU NA TEMU UPRAVLJANJE OTPADOM

SARAJEVO, 30. januar/siječanj – Evropska komisija organizira studijsku posjetu Briselu iz oblasti „Upravljanja otpadom“ (Study Tour on Waste Management), koje će trajati od 26-28 marta/ožujka 2012. godine.

Cilj studijskog putovanja je pružiti priliku za upoznavanje lokalnih i regionalnih predstavnika sa EU zakonodavstvom i praksama u oblasti upravljanja otpadom. Također, imat će priliku da razmijene svoja iskustva sa kolegama iz zemalja EU. Studijsko putovanje je namijenjeno učesnicima sa područja Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija).

Krajnji rok za dostavu aplikacija je 23. februar/veljača.

Molimo Vas da aplikacije šaljete na e-mail: DELEGATION-BIH-TAEX@eeas.europa.eu

Troškove studijskog putovanja u cijelosti pokriva organizator uključujući i dnevnice.

Aplikacija treba da sadrži popunjen prijavni formular, pismo interesa i CV.

Postupak selekcije pristiglih aplikacija biće proveden od strane voditelja EUD Programa, a lista predloženih 3 – 5 kandidata će biti poslana u Brisel najkasnije do 24. februara/veljače 2012.

Tim sa izabranim kandidatima morat će pripremiti prezentaciju o upravljanju otpadom u Bosni i Hercegovini u trajanju od 5 do 7 minuta.

Jezik studijskog putovanja je engleski. Dakle, aktivno znanje engleskog jezika je preduslov za učesnike, s obzirom da će svaki pojedinačni učesnik biti aktivno uključen kroz rad u radionicama.

Prilikom izbora kandidata vodit će se računa da je izbor uravnotežen:

- Izabrani predstavnici / uposlenici u administraciji na višem nivou
- Svaki predstavnik iz različite općine
- Iskustvo općine u ovoj oblasti
- Ravnomjerna entitetska zastupljenost
- Ravnopravna spolna zastupljenost

Za slučaju da imate bilo koja pitanja u vezi sa aplikacijom, molim Vas kontaktirajte gđu. Esmiru Kesan na: esmira.KESAN@eeas.europa.eu

STUDIJSKO PUTOVANJE U BRISEL „O EU REGIONALNIM POLITIKAMA“

SARAJEVO, 27. januar/siječanj – Evropska komisija organizira studijsko putovanje o „EU regionalnim politikama“ (EU Regional Policy), koje će trajati od 12-14 marta/ožujka 2012. godine.

Cilj studijskog putovanja je pružiti priliku za upoznavanje lokalnih i regionalnih predstavnika sa EU zakonodavstvom i praksama efikasnog korištenja strukturalnih fondova. Studijsko putovanje je namijenjeno učesnicima sa područja Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija).

Savez / Zajedno za uređenu i razvijenu lokalnu samoupravu

Savez općina i gradova Federacije
Bosne i Hercegovine

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u



POSJETITE NAS NA WEBU

WWW.SOGFBIH.BA

Krajnji rok za dostavu aplikacija je 8. februar/veljača.

Molimo Vas da aplikacije šaljete na e-mail: DELEGATION-BIH-TAIEX@eeas.europa.eu

Troškove studijskog putovanja u cijelosti pokriva organizator uključujući i dnevnice.

Aplikacija treba da sadrži popunjen prijavni formular, pismo interesa i CV.

Postupak selekcije pristiglih aplikacija biće proveden od strane voditelja EUD Programa, a lista predloženih kandidata će biti poslana u Brisel najkasnije do 10. februara/veljače 2012.

Jezik studijskog putovanja je engleski. Dakle, aktivno znanje engleskog jezika je preduslov za učesnike.

Više informacija imate u prilogu na engleskom jeziku, a slučaju da imate bilo koja pitanja u vezi sa aplikacijom, molim Vas kontaktirajte gđu. Esmiru Kesan na: esmira.KESAN@eeas.europa.eu

6. SVJETSKI FORUM VODA

Šesti svjetski forum vode, koji zajednički organiziraju Vlada Republike Francuske, Grad Marsej (Marseille) i Svjetsko Vijeće voda, održat će se 14. i 15. marta/ožujka.

Ovaj Forum će biti posvećen lokalnim i regionalnim vlastima.

Na Petom Svjetskom Forumu vode, koji je održan u Istanbulu 2009. godine, UCLG, ICLEI i Svjetsko Vijeće voda radili su zajedno kako bi mobilisali preko 250 izabranih predstavnika širom svijeta za prihvaćanje Istanbulske konsenzusa (Istanbul Water Consensus). Do danas, više od 800 gradova i regija pristupilo je Istanbulske konsenzusu, dok se na ovogodišnjem, 6. Forumu očekuje 1000 potpisa.

Svjestan budućeg potencijala Istanbulske konsenzusa i u namjeri povećanja njegovog političkog značaja, UCLG i Svjetsko Vijeće voda namjeravaju predložiti izmjene u preambuli Istanbulske konsenzusa tokom 6. Svjetskog Forumu o vodi.

U tu svrhu, i kako bi se olakšalo šire usvajanje Konsenzusa, pozivaju se lokalne i regionalne vlasti da pošalju svoje prijedloge za izmjene i dopune Konsenzusa i eventualne političke poruke koje žele da podijela sa učesnicima Forumu.

Svoje prijedloge i političke poruke možete poslati gđi. Celine Dubreuil (c.dubreuil@worldwatercouncil.org) i gđinu. Mohamed Boussraoui (m.boussraoui@uclg.org) najkasnije do **6. februara 2012.**

Za pristup Istanbulske konsenzusu i ostalim dokumentima Forumu, molim Vas posjetite sljedeću web stranicu: <http://www.worldwaterforum6.org/en/commissions/political/local-and-regional-authorities-political-process/?id=220>

Savez / Zajedno za uređenu i razvijenu lokalnu samoupravu

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

